

Pasos solidarios

COLEXIO GALAXIA EN MARCHA CONTRA O CANCRO

XUSTIFICACIÓN

Trátase dun proxecto educativo que implica a toda a comunidade do Colexio Galaxia na realización dunha actividade deportiva cun fin solidario, recadar fondos para a Asociación Española Contra o Cancro.

O Colexio Galaxia de Ribeira, a través da comunidade educativa, organiza o domingo 26 de marzo de 2017, a partir das 10:30 horas, a 1ª edición da Carreira-Andaina "Pasos solidarios"

A proba absoluta disputarase sobre a distancia de 5 km. As probas levaranse a cabo na localidade de Ribeira e estarán baixo o control técnico da Federación Galega de Atletismo (Delegación de Santiago). As probas estarán suxeitas ó seguinte:

REGULAMENTO

Nesta carreira poderán participar tanto persoas populares como atletas federados de todas as idades. Tamén haberá unha andaina para aquela xente que non poida ou non lle guste correr pero si participar nesta primeira edición da Carreira – Andaina "Pasos Solidarios".

1. CATEGORÍAS DE PARTICIPACIÓN

Para a Carreira "Pasos solidarios" as categorías de competición serán as seguintes:

Categorías: Masculina e feminina

- **Pitufos***: ano de nacemento (2010 – actualidade) 150 metros aprox.
- **Escolares A**: ano de nacemento (2006 - 2009) 750 metros aprox.
- **Escolares B** : ano de nacemento (2002 - 2005) 2.000 metros aprox.
- **Absoluta**: 5.000 metros aprox.
 - Xuv - Jun: 1998 - 2001
 - Promesa - Sen: 1997 – 34 anos.
 - Veteranos 1: 35anos - 44 anos.
 - Veteranos 2: 45 anos - 54 anos.
 - Veteranos 3: 55 anos - 64 anos.
 - Veteranos 4: 65 anos en adiante.

ANDAINA: 4 Km para todas as idades

* A categoría Pitufos non é unha categoría federada.

2. HORARIO

| HORARIO | CATEGORÍA | DISTANCIA |
|---------|---|--------------------|
| 10:30h | ANDAINA | 4Km aprox. |
| 11:00h | ESCOLARES A (2006 - 2009) | 750m aprox. |
| 11:10h | ESCOLARES B (2002 - 2005) | 2Km aprox. |
| 11:30h | CARREIRA ABSOLUTA (2001 - ata veterán) | 5Km aprox. |
| 12:20h | PITUFOS (2010 - actualidade) | 150m aprox. |
| 12:30h | ENTREGA DE PREMIOS | |

3. INSCRICIÓN

- Data límite: mércores 22 de marzo ás 23:59
- Formas de inscrición:

On line:

- Web oficial da FGA: <http://www.carreirasgalegas.com>

De forma presencial:

- Secretaría do Colexio Galaxia, no seguinte horario: de 9:30 a 13:00 e de 15:30 a 18:30 do 10 de febreiro ó 22 de marzo.

- Prezo da inscrición:

Categorías pitufos e escolares.....2 € tanto na carreira como na Andaina

Categoría dende xuv – junior ata veterán.....5 € tanto a carreira como na Andaina

Para as inscricións presenciais deberán entregar debidamente cuberto o formulario de inscrición.

Dado o carácter solidario da proba, no momento da inscrición, na web www.carreirasgalegas.com haberá opción de realizar un donativo.

Tamén existirá a posibilidade de realizar doacións a través do dorsal 0. Para todas aquelas persoas que non podan participar no evento.

TODOS OS BENEFICIOS DA CARREIRA SERÁN ENTREGADOS Á ASOCIACIÓN ESPAÑOLA CONTRA O CANCRO.

4. RETIRADA DE DORSAIS E CHIPS

Realizarase o mesmo día da proba nas inmediacións das saídas das diferentes carreiras e da andaina, situadas na avenida do Malecón dende as 9:30 ata media hora antes do inicio de cada proba.

O dorsal entregado pola organización deberá levarse colocado en toda a súa extensión na parte anterior do corpo e de forma visible. Todo corredor que entre na meta sen o seu dorsal será descalificado a criterio do xuíz árbitro da competición.

5. CONTROL CON CHIP: Todas as probas (excepto a categoría Pitufo e a Andaina) estarán controladas a través dun chip que irá situado na parte posterior do dorsal, o que implica pasar obrigatoriamente polas alfombras de control. O chip non se debe manipular.

6. PREMIOS

Na 1ª edición da Carreira-Andaina “Pasos solidarios” outorgaranse os seguintes premios:

- Trofeos aos tres primeiros clasificados da cada categoría. Os trofeos realizados polo alumnado do Colexio Galaxia.
- Ó gañador e á gañadora da carreira absoluta.

7. SERVIZOS A CORREDORES

Co fin de dar as maiores facilidades a todos os participantes neste evento, a Organización ofrecerá os seguintes servizos de forma gratuíta:

- Duchas: No centro de deportes de raqueta – Pavillón Coroso a 2,5km da meta
- Gardarroupa
- Avituallamento final

8. DESCUALIFICACIÓNS: Todo corredor que incumpra as normas da competición ou as establecidas nos regulamentos da Federación Galega de Atletismo e da RFEA en vigor referentes a probas en ruta, será descalificado por criterio do xuíz árbitro da competición.

9. Ao longo do percorrido, a organización establecerá os controis que estime oportunos, estando autorizados para descualificar a calquera participante que incumpra as normas da competición ou que cometa algunha irregularidade atentando contra a seguridade individual ou colectiva durante a proba.

10. As reclamacións aos resultados oficiais deberán formularse verbalmente ao xuíz árbitro da competición, non máis tarde de 30 minutos despois da publicación dos resultados da proba en cuestión.

11. Non está permitido o acompañamento na proba de ningún vehículo alleo á organización; nin bicicletas, patíns ou persoas non inscritas na proba que poidan acompañar, avituallar ou marcar ritmos aos participantes.

12. ASISTENCIA MÉDICA E SEGUROS

A organización contará con servizos médicos e ambulancia na zona de saída/meta desde unha hora antes do comezo das probas e ata media hora despois da finalización. Os servizos médicos e o xuíz árbitro da competición están facultados para retirar da carreira a calquera participante que manifeste un mal estado físico durante o desenvolvemento da mesma.

13. SEGURO

Todos os participantes estarán amparados por unha póliza de Responsabilidade Civil e accidentes deportivos, que cubrirá os accidentes que se produzan como consecuencia directa do desenvolvemento da proba. Quedan excluídos os casos derivados dun padecemento latente, imprudencia ou inobservancia das leis, da normativa da competición, etc. Tamén quedan excluídos os casos producidos polo desprazamento ó lugar da competición ou desde o mesmo.

14. Coa realización da inscrición, todo participante cede os seus dereitos de imaxe á organización, que utilizará as imaxes de acordo coa Lei de Protección de Datos.

15. ACEPTACIÓN DO REGULAMENTO

Todos os participantes, polo feito de inscribirse e tomar a saída na carreira, aceptan o presente regulamento, e no caso de dúbida ou de xurdir algunha situación non prevista no mesmo, resolverase de acordo ó que dispoña o Comité Organizador e polas normas da FGA, RFEA e IAAF en vigor.

NOTA: Esta proba pertence ao Calendario Oficial da Federación Galega de Atletismo e mediante a súa inscrición o corredor consente expresamente que os seus datos básicos sexan cedidos a esta entidade para a tramitación, ante a compañía de seguros, dos seguros obrigatorios de accidentes e Responsabilidade Civil así como a xestión da licenza de día e ranking popular de probas de ruta. En todo caso e tal como establece a lei de Protección de Datos, o interesado pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Atletismo. Avenida de Glasgow13- 15008 A Coruña.

MAIS INFORMACION

www.atletismogalego.org
www.fgatletismo.es/santiago
www.carreirasgalegas.com

Colexio Galaxia (Rúa Estatuto S/N) Telf: 981871242